



Broj/Број: 04/2-50-1-16-5-1/04
Sarajevo/Сарајево, 15. april 2004.

ZAPISNIK
sa 5. sjednice Zajedničke komisije za evropske integracije

Sjednica je održana 14. aprila 2004. sa početkom u 15.30.

Sjednici su prisustvovali sljedeći članovi Komisije: Fatima Leho, Vinko Radovanović, Filip Andrić, Nenad Mišić, Mehmed Suljkanović, Milorad Živković, Selim Bešlić, Ilija Filipović.

Sjednici su prisustvovali i Osman Topčagić, direktor Direkcije za evropske integracije, Jasna Ajanović, Daria Ramljak i Dženana Hodžić iz Direkcije za evropske integracije.

Odsutni su bili: Branko Zrno, Halid Genjac, Boško Šiljegović, Hilmo Neimarlija.

Predsjedavajuća Komisije gđa Leho predložila je sljedeći

DNEVNI RED

1. Izvještaj Evropske komisije o Procesu stabilizacije i pridruživanja za Bosnu i Hercegovinu za 2004.
2. Odluka Vijeća Evropske unije o principima, prioritetima i uvjetima sadržanim u Evropskom partnerstvu sa Bosnom i Hercegovinom
3. Prijedlog za preduzimanje inicijative u cilju sazivanja i konstituisanja regionalne Balkanske konferencije komisija za evropske integracije / pitanja
4. Razno
 - Informacija o Schengen-vizama za članove Komisije

Komisija je razmatrala i jednoglasno usvojila predloženi dnevni red.

Ad. 1. Izvještaj Evropske komisije o Procesu stabilizacije i pridruživanja za Bosnu i Hercegovinu za 2004.

Komisija je primila Izvještaj Evropske komisije o procesu stabilizacije i pridruživanja za Bosnu i Hercegovinu za 2004. i razgovarala o njemu u svrhu pripreme za sastanak 19. aprila s ambasadorom

Michaelom Humphreysom, šefom Delegacije Evropske komisije u BiH, na kojem će on ovaj Izvještaj predstaviti Zajedničkoj komisiji za evropske integracije.

Konstatovano je da je Izvještaj dokument Evropske komisije, koji se ne može mijenjati, ali da Zajednička komisija o njemu može dati svoju političku ocjenu.

Zaključeno je da Zajednička komisija u tom cilju održi pripremni sastanak 19. aprila 2004. u 10.00.

Ad. 2. Odluka Vijeća Evropske unije o principima, prioritetima i uvjetima sadržanim u Evropskom partnerstvu sa Bosnom i Hercegovinom

Gospodin Topčagić je napomenuo da se radi o Prijedlogu Odluke Vijeća Evropske unije o principima, prioritetima i uvjetima sadržanim u Evropskom partnerstvu sa Bosnom i Hercegovinom, koji usvaja Vijeće Evropske unije, tj. ministri država članica Evropske unije, na prijedlog Evropske komisije. Inače, Evropsko partnerstvo je rezultat odluke Samita Evropskog vijeća u Solunu u junu 2003.

Ad. 3. Prijedlog za preduzimanje inicijative u cilju sazivanja i konstituisanja regionalne Balkanske konferencije komisija za evropske integracije / pitanja

Gđa Leho je obavijestila članove Komisije da je Direkcija za evropske integracije predložila da Zajednička komisija za evropske integracije PS BiH inicira konstituisanje regionalne Konferencije parlamentarnih tijela za evropske integracije država koje učestvuju u Procesu stabilizacije i pridruživanja, i sazivanje prvog sastanka te Konferencije u Sarajevu. Ovaj prijedlog je dat na osnovu dokumenta sa Samita Evropskog vijeća u Solunu, u kojem je dat podsticaj regionalnoj saradnji i razvijanju kontakata između Komisija za evropske integracije Parlamentarnih država koje se nalaze u procesu stabilizacije i pridruživanja.

Takva regionalna Konferencija bi nakon određenog vremena i rezultata mogla aplicirati za pridruženo članstvo u Konferenciji komisija Evropske zajednice i komisija za evropska pitanja parlamentarnih Evropske unije (COSAC).

Gđa Leho je ovaj prijedlog podnijela Kolegijima oba doma PS BiH na mišljenje.

Ad. 4. Razno: Informacija o Schengen-vizama za članove Komisije

Gđa Leho je obavijestila članove Komisije da je Sekretarijat zatražio od Ministarstva vanjskih poslova izdavanje Schengen-viza za članove Komisije na duži period. Ministarstvo vanjskih poslova je odgovorilo da se vize mogu izdavati samo za svako putovanje posebno.

Zapisnik sačinila:

Sena Bajraktarević

Fatima Leho,
predsjedavajuća Zajedničke komisije
za evropske integracije